

DP-456

15/1.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

ODLUKA

o utvrđivanju uslova, kriterija i postupka dodjele finansijskih sredstava u troškovima učešća, organizovanja i održavanja sportskih takmičenja i manifestacija u invalidskom sportu

Tuzla, juni 2020. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa članom 44. stav (2) Zakona o dopunskim pravima branitelja i članova njihovih obitelji - prečišćeni tekst („Službene novine Tuzlanskog kantona“, broj: 5/12, 5/14, 12/16 i 6/20), Vlada Tuzlanskog kantona, na sjednici održanoj dana 09.06.2020. godine, donosi

ODLUKU

o utvrđivanju uslova, kriterija i postupka dodjele finansijskih sredstava u troškovima učešća, organizovanja i održavanja sportskih takmičenja i manifestacija u invalidskom sportu

Član 1.

(Predmet)

Ovom Odlukom utvrđuju se uslovi, kriteriji i postupak za dodjelu finansijskih sredstava invalidskim sportskim klubovima/savezima kantonalnog nivoa sa područja Tuzlanskog kantona (u daljem tekstu: Kanton), za troškove učešća, organizovanja i održavanja sportskih takmičenja i manifestacija u invalidskom sportu, način isplate i korištenja odobrenih finansijskih sredstava, kao i druga pitanja iz navedene oblasti.

Član 2.

(Finansijska sredstva)

Finansijska sredstva iz ove Odluke obezbjeđuju se u Budžetu Tuzlanskog kantona (u daljem tekstu: Budžetu Kantona), na poziciji Ministarstva za boračka pitanja Tuzlanskog kantona (u daljem tekstu: Ministarstvo), u skladu sa Programom Vlade Tuzlanskog kantona (u daljem tekstu: Vlada Kantona) za svaku budžetsku godinu i u skladu sa likvidnošću Budžeta Kantona.

Član 3.

(Korisnici prava)

Pravo na dodjelu sredstava iz ove Odluke (u daljem tekstu: participacija) imaju invalidski sportski klubovi čiji sastav čini više od 50% ratnih vojnih invalida, a koji sportsku djelatnost obavljaju shodno odredbama Zakona o sportu („Službene novine Tuzlanskog kantona“, broj: 8/10, 8/13 i 6/18).

Član 4.

(Namjena sredstava)

Invalidskim sportskim klubovima i savezima Tuzlanskog kantona (u daljem tekstu: invalidski sportski klub), participacija može biti dodijeljena u svrhu učešća, organizovanja i održavanja sportskih takmičenja i manifestacija u invalidskom sportu.

Član 5.

(Uslovi)

Invalidskom sportskom klubu može biti dodijeljena participacija pod uslovom:

- a) da ima sjedište u Tuzlanskom kantonu,
- b) da je registrovan u skladu sa odredbama člana 10. Zakona o udruženjima i fondacijama („Službene novine Federacije Bosne i Hercegovine“, broj: 45/02) i
- c) da je izmirio svoje obaveze po osnovu poreza i obaveznih doprinosa ili ima zaključen Sporazum o odgođenom plaćanju sa nadležnom poreskom upravom, koji se izvršava na način utvrđen tim sporazumom.

Član 6.

(Pravo sudjelovanja na javnom pozivu)

Pravo sudjelovanja na javnom pozivu za dodjelu participacije u troškovima učešća, organizovanja i održavanja sportskih takmičenja i manifestacija u invalidskom sportu (u daljem tekstu:

javni poziv) ima invalidski sportski klub koji je:

- a) u prethodnoj godini osvojio medalje na paraolimpijskim igrama, specijalnoj olimpijadi, svjetskom, evropskom i balkanskom prvenstvu, mediteranskim igrama,
 - b) u prethodnoj godini imao učesnika na paraolimpijskim igrama, specijalnoj olimpijadi, svjetskom, evropskom i balkanskom prvenstvu, mediteranskim igrama,
 - c) u prethodnoj godini osvojio medalje na takmičenjima: državnog, federalnog i kantonalnog nivoa i
 - d) u prethodnoj godini imao učesnika na takmičenjima: državnog, federalnog i kantonalnog nivoa.
- (2) Pod medaljom u smislu stava (1) tačka a) i c) smatraju se osvojene: zlatna, srebrna i bronzana medalja, osvojene ekipno ili pojedinačno.

Član 7.

(Ograničenje prava na participaciju)

(1) Pravo na participaciju nema invalidski sportski klub:

- a) čiji sastav čini manje od 50% ratnih vojnih invalida,
- b) koji u prethodnoj budžetskoj godini za odobrena sredstva u propisanom roku nije opravdao utrošak doznačenih sredstava ili nije izvršio povrat nenamjenskog utroška istih,
- c) čija se prijava bazira ili se većinskim dijelom odnosi na investicijska ulaganja, izgradnju i adaptaciju objekata,
- d) čija prijava se zasniva na ostvarivanju vjerskih ciljeva,
- e) čiji su izdaci za rad invalidskog sportskog kluba veći od 10% od ukupne vrijednosti zahtjeva i
- f) za finansiranje plaća i drugih izdataka zaposlenika.

(2) Pod izdatke za rad invalidskog sportskog kluba u smislu tačke e) stava (1) ovog člana podrazumjevaju se izdaci za: plaćanje struje, vode, ptt/internet usluga, zakupnine poslovnog prostora, naknade po osnovu radno pravnog statusa (plaće, topli obrok, prevoz, regres).

Član 8.

(Kriteriji)

Rang lista se utvrđuje na osnovu ostvarenog broja bodova po osnovu sljedećih kriterija:

- a) brojnost članica invalidskog sportskog kluba u momentu raspisivanja javnog poziva,
- b) rang sportske manifestacije u prethodnoj godini, u kojoj su osvojene medalje,
- c) broj osvojenih medalja u prethodnoj godini na takmičenjima: paraolimpijske igre, svjetsko, evropsko i balkansko prvenstvo i mediteranske igre,
- d) broj učesnika u prethodnoj godini na paraolimpijskim igrama, svjetskom, evropskom i balkanskom prvenstvu i mediteranskim igrama,
- e) broj reprezentativaca u prethodnoj godini,
- f) broj osvojenih medalja u prethodnoj godini na takmičenjima: državnog, federalnog i kantonalnog nivoa i
- g) broj učesnika u prethodnoj godini na takmičenjima: državnog, federalnog i kantonalnog nivoa.

Član 9.

(Bodovanje po osnovu brojnosti članica invalidskog sportskog kluba)

Za svaku članicu invalidskog sportskog kluba pripada po 2 boda.

Član 10.

(Bodovanje po osnovu ranga sportske manifestacije)

Rangiranje sportske manifestacije u kojoj su osvojene medalje, vrši se na sljedeći način:

- a) paraolimpijske igre.....8 bodova,
- b) svjetsko prvenstvo.....7 bodova,
- d) evropsko prvenstvo.....6 bodova,
- e) balkansko prvenstvo.....5 bodova,
- f) mediteranske igre.....4 bodova

- g) državni nivo takmičenja3 boda,
- h) federalni nivo takmičenja.....2 boda i
- i) kantonalni nivo takmičenja.....1 bod.

Član 11.

(Bodovanje po osnovu broja osvojenih medalja na takmičenjima: paraolimpijske igre, svjetsko, evropsko i balkansko prvenstvo, mediteranske igre)

(1) Za svaku ekipno osvojenu medalju u prethodnoj godini na takmičenjima: paraolimpijske igre, svjetsko, evropsko i balkansko prvenstvo i mediteranske igre, invalidskom sportskom klubu pripadaju bodovi kako slijedi:

- a) zlatna medalja.....30 bodova,
- b) srebrna medalja.....20 bodova i
- c) bronzana medalja.....10 bodova.

(2) Za svaku pojedinačno osvojenu medalju u prethodnoj godini na takmičenjima: paraolimpijske igre, svjetsko, evropsko i balkansko prvenstvo i mediteranske igre, invalidskom sportskom klubu pripadaju bodovi kako slijedi:

- a) zlatna medalja.....6 bodova,
- b) srebrna medalja.....4 boda i
- c) bronzana medalja.....2 boda.

Član 12.

(Bodovanje po osnovu broja učesnika na takmičenjima: paraolimpijske igre, svjetsko, evropsko i balkansko prvenstvo i mediteranske igre)

Za svakog učesnika u prethodnoj godini na takmičenjima: paraolimpijske igre, svjetsko, evropsko i balkansko prvenstvo i mediteranske igre, invalidskom sportskom klubu pripada po 3 boda.

Član 13.

(Bodovanje po osnovu broja reprezentativaca)

Za svakog reprezentativca u prethodnoj godini, invalidskom sportskom klubu pripada po 5 bodova.

Član 14.

(Bodovanje po osnovu broja osvojenih medalja na takmičenjima: državnog, federalnog i kantonalnog nivoa)

(1) Za svaku ekipno osvojenu medalju u prethodnoj godini na takmičenjima: državnog, federalnog i kantonalnog nivoa, invalidskom sportskom klubu pripadaju bodovi kako slijedi:

- a) zlatna medalja.....15 bodova,
- b) srebrna medalja.....10 bodova i
- c) bronzana medalja.....5 bodova.

(2) Za svaku pojedinačno osvojenu medalju u prethodnoj godini na takmičenjima: državnog, federalnog i kantonalnog nivoa, invalidskom sportskom klubu pripadaju bodovi kako slijedi:

- a) zlatna medalja.....4 boda,
- b) srebrna medalja..... 2 boda i
- c) bronzana medalja.....1 bod.

Član 15.

(Bodovanje po osnovu broja učesnika na takmičenjima: državnog, federalnog i kantonalnog nivoa)

Za svakog učesnika u prethodnoj godini na takmičenjima: državnog, federalnog i kantonalnog nivoa, invalidskom sportskom klubu pripada po 0,5 bodova.

Član 16.

(Donošenje odluke i raspisivanje javnog poziva)

- (1) Odluku o raspisivanju javnog poziva donosi Ministarstvo.
- (2) Tekst javnog poziva, obrazac jednoobrazne prijave i izjave utvrđuje Ministarstvo.
- (3) Javni poziv obavezno sadrži sljedeće podatke o:
 - a) nazivu organa koji objavljuje javni poziv,
 - b) adresu organa kojem se prijava podnosi,
 - c) uslovima i kriterijima za dodjelu participacije,
 - d) invalidskim sportskim klubovima koji imaju pravo na učešće po javnom pozivu,
 - e) dokazima koje invalidski sportski klub prilaže uz prijavu na javni poziv,
 - f) rokovima za prijavu na javni poziv i tačno naznačenim rokovima do kada se prijave podnose,
 - g) pravima i obavezama invalidskih sportskih klubova,
 - h) načinu isplate sredstava i
 - i) druge eventualno potrebne podatke.
- (4) Javni poziv se objavljuje na web-stranici Vlade Kantona, od kada i počinje rok za predaju dokumentacije.
- (5) Javni poziv iz stava (3) ovog člana može se informativno objaviti na oglasnoj ploči Ministarstva i gradskoj/općinskim službama za boračko invalidsku zaštitu (u daljem tekstu: Služba), a može se dostaviti i kantonalnim boračkim savezima.

Član 17.

(Podnošenje prijave)

- (1) Prijava na javni poziv, sa potrebnom dokumentacijom, podnosi se Ministarstvu u roku od 15 dana od dana navedenog u javnom pozivu.
- (2) Prijava iz stava (1) ovog člana se podnosi na prijavnom obrascu koji je sastavni dio ove Odluke.
- (3) Uz prijavu iz stava (1) ove Odluke invalidski sportski klub je obavezan priložiti svu dokumentaciju kako slijedi:
 - a) izjavu o tačnosti svih podataka dostavljenih po prijavi na Javni poziv na propisanom obrascu (dostupna na web stranici Vlade Kantona (<http://www.vladatk.gov.ba/>), koja je sastavni dio ove Odluke,
 - b) prijedlog projekta/programa isključivo na propisanom obrascu, (dostupan na web stranici Vlade Kantona (<http://www.vladatk.gov.ba/>),
 - c) rješenje o upisu u registar udruženja (fotokopija),
 - d) uvjerenje o poreznoj registraciji - identifikacijski broj,
 - e) ugovor sa bankom o otvorenom transakcijskom računu,
 - f) specimen potpisa lica odgovornih za finansije,
 - g) odluka organa upravljanja udruženja o usvajanju finansijskog izvještaja za prethodnu godinu,
 - h) brojnost gradskih/općinskih klubova - članova tog saveza, što se dokazuje aktom o registraciji i pristupanju,
 - i) izjava o rangiranim takmičenjima u prethodnoj godini na kojima su osvojene medalje,
 - j) program rada i plan (kalendar) takmičenja sportskih klubova za tekuću godinu za koji se traži participacija troškova,
 - k) dokazi o osvojenim medaljama u prethodnoj godini na takmičenjima: paraolimpijske igre, specijalne olimpijade, svjetsko, evropsko i balkansko prvenstvo i mediteranske igre (diplome),
 - l) poimeničan spisak o broju učesnika u prethodnoj godini na paraolimpijskim igrama, specijalnoj olimpijadi, svjetskom, evropskom i balkanskom prvenstvu i mediteranskim igrama,
 - m) poimeničan spisak reprezentativaca u prethodnoj godini,
 - n) dokazi o osvojenim medaljama u prethodnoj godini na takmičenjima: državnog, federalnog i

- kantonalnog nivoa (diplome) i
- o) poimeničan spisak o broju učesnika u prethodnoj godini na takmičenjima: državnog, federalnog i kantonalnog nivoa.
 - (4) Dokumenti iz stava (3) ovog člana moraju biti dostavljeni u originalu ili ovjerenoj fotokopiji.

Član 18.

(Imenovanje i sastav Komisije)

- (1) Proceduru po javnom pozivu provodi Komisija koju imenuje Ministar za boračka pitanja (u daljem tekstu: Ministar), za svaku budžetsku godinu posebno.
- (2) Komisija ima tri člana i istu čine predstavnici Ministarstva.
- (3) Članovi Komisije na svojoj prvoj konstitutivnoj sjednici biraju predsjednika Komisije.
- (4) Predsjednik Komisije odgovoran je za rad i rokove postupanja Komisije.

Član 19.

(Rad Komisije)

- (1) Komisija radi na sjednicama i za svoj rad odgovara Ministru.
- (2) Komisija je dužna razmotriti prijave u pogledu blagovremenosti i potpunosti, utvrditi broj bodova po svakom od osnova, ukupan broj bodova po kriterijima i predložiti Ministru visinu participacije za svakog podnosioca prijave.
- (3) Na sjednicama Komisije vodi se zapisnik koji potpisuju svi članovi Komisije, a koji sadrži detaljan pregled svih zaprimljenih prijava.
- (4) Komisija donosi odluku prostom većinom glasova javnim glasanjem, a u slučaju izdvajanja mišljenja pojedinog člana Komisije, u zapisnik se evidentiraju razlozi istog.

Član 20.

(Rang lista)

- (1) Komisija je obavezna najkasnije u roku od 15 dana od dana isteka roka za podnošenje prijava na javni poziv istaći rang listu.
- (2) Rang lista obavezno sadrži:
 - a) naziv invalidskog sportskog kluba,
 - b) broj bodova po svakom od utvrđenih osnova,
 - c) ukupan broj bodova po svim osnovima i
 - d) pouku o pravnom lijeku sa tačno naznačenim rokom do kada se na iste mogu izjavljivati prigovori.
- (3) Neblagovremene i nepotpune prijave Komisija ne uzima u razmatranje, a prijavljeni invalidski sportski klubovi o istom se obavještavaju isticanjem zasebne liste.
- (4) Liste iz člana 20. stav (2) i (3) ove Odluke se objavljuju na web stranici Vlade Kantona, oglasnoj ploči Ministarstva i oglasnim pločama službi.

Član 21.

(Postupak po prigovoru i donošenje konačne liste)

- (1) Na liste iz člana 20. stav (2) i (3) ove Odluke može se uložiti prigovor Ministru.
- (2) Prigovor se podnosi u roku od osam dana od dana navedenog u objavljenim listama, u pismenoj formi, sa tačnim navođenjem razloga za prigovor.
- (3) O izjavljenim prigovorima iz stava (1) ovog člana, odlučuje Ministar po prethodno pribavljenom izjašnjenju Komisije po svim konkretnim navodima u prigovoru, u roku od 15 dana od dana isteka roka za prigovore.
- (4) Postupak po prigovoru provodi se u skladu sa odredbama Zakona o upravnom postupku („Službene novine Federacije Bosne i Hercegovine“, broj: 2/98 i 48/99).
- (5) Konačnu rang listu utvrđuje Ministar.

Član 22.

(Raspodjela sredstava)

(1) Prvorangirani invalidski sportski klub sa konačne liste iz člana 21. stav (5) ove Odluke, ima pravo na participaciju u maksimalno odobrenom iznosu do 35% od ukupno planiranih sredstava po Programu iz člana 2. ove Odluke.

(2) Ostali invalidski sportski klubovi rangirani na konačnoj listi iz člana 21. stav (4) ove Odluke, učestvuju u raspodjeli preostalih sredstava srazmjerno broju ostvarenih bodova.

Član 23.

(Ugovor)

(1) Na osnovu konačne rang liste iz člana 21. stav (5) ove Odluke, Ministar sa rangiranim invalidskim sportskim klubom zaključuje ugovor kojim se bliže uređuju međusobna prava i obaveze.

(2) Ugovor iz stava (1) ovog člana zaključuje se u roku od 30 dana od dana isticanja konačne rang liste na web-stranici Vlade Kantona.

(3) Invalidski sporski klub koji u roku iz stava (2) ovog člana ne potpiše ugovor, smatra se da je odustao od participacije, izuzev u slučaju ukoliko iz opravdanih razloga nije u mogućnosti potpisati ugovor, o čemu dostavlja dokaz.

(4) Svako korištenje odobrenih sredstva suprotno namjenama utvrđenim u ugovoru iz stava (1) ovog člana smatra se nenamjenskim.

Član 24.

(Isplata participacije)

(1) Invalidskom sportskom klubu isplata participacije može se realizovati tek kada se potpiše ugovor iz člana 23. stav (1) ove Odluke.

(2) Na osnovu potpisanog ugovora i plana (kalendar) takmičenja Ministarstvo donosi pojedinačne odluke o doznaci participacije invalidskom sportskom klubu, jednokratno ili kvartalno.

(3) Isplata sredstava se vrši putem računa invalidskog sportskog kluba.

Član 25.

(Korištenje participacije)

(1) Participacija iz člana 24. ove Odluke može se koristiti za:

- a) nabavku sportskih rekvizita i opreme (lopte, dresovi i dr.);
- b) troškove prevoza na takmičenje i trenažni proces,
- c) troškove osvježenja (bezalkoholni topli i hladni napici) za takmičare,
- d) troškove izrade banera i plakata,
- e) toškove prenoćišta za takmičare na gostovanju,
- f) zakup sale ili objekata za takmičenje i trenažni proces prema ugovoru o zakupu,
- g) naknada sudijama i delegatima na takmičenju,
- h) novčane nagrade za osvojena mjesta na takmičenju i
- i) pehare, plakete i medalje za osvojena mjesta na takmičenju.

(2) U realizaciji odobrenih sredstava invalidski sportski klub 20% sredstava, od ukupnog odobrenog iznosa, može koristiti za ostale troškove koji nisu navedeni u stavu (1) ovoga člana, uz obavezu pravdanja istog odgovarajućim dokaznim sredstvima, u skladu sa propisom Ministarstva kojim se reguliše predmetna oblast.

(3) Namjena korištenja participacije se preciznije određuje ugovorom iz člana 23. ove odluke.

Član 26.

(Ograničenje korištenja participacije)

Participacija iz člana 22. ove Odluke se ne može koristiti za:

- a) troškove reprezentacije (hrana, alkoholna pića),
- b) nadoknade za rad licima kroz plaće i topli obrok,
- c) naknadu za rad i učešće na takmičenjima i

d) naknade hranarine i pojačane ishrane u trenažnom procesu i takmičenjima.

Član 27.

(Podnošenje izvještaja o namjenskom utrošku sredstava)

(1) Ministarstvo prati realizaciju prijava i obavlja kontrolu utroška participacija dodijeljenih invalidskim sportskim klubovima, uz obavezu da izdaci participacije moraju biti pravdani bezgotovinski.

(2) Invalidski sportski klub obavezan je Ministarstvu dostaviti finansijski izvještaj o utrošku sredstava u roku od 30 dana od dana okončanja aktivnosti koje se participiraju.

(3) Invalidski sportski klub koji ne opravda utrošak doznačenih sredstava iz stava 1. ovog člana, participaciju za narednu aktivnost (takmičenje i/ili manifestaciju) neće dobiti.

(4) Invalidski sportski klub koji nije izvrši povrat nenamjenski utrošenih doznačenih sredstava, ne može učestvovati u narednom javnom pozivu.

Član 28.

(Stavljanje Odluke van snage)

Stupanjem na snagu ove Odluke prestaje da važi Odluka o utvrđivanju uslova, kriterija i postupka dodjele sredstava za participaciju u troškovima učešća i organizovanja sportskih takmičenja i manifestacija invalidskim sportskim klubovima i savezima Tuzlanskog kantona („Službene novine Tuzlanskog kantona“, broj: 5/19).

Član 29.

(Stupanje na snagu i objavljivanje Odluke)

Ova Odluka stupa na snagu danom donošenja, a ista će biti objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/I-11-10989/20
Tuzla, 09.06.2020. godine



PREMIJER KANTONA
Denijal Tulumović
Prof. dr. Denijal Tulumović